



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1558. usque ad annum 1560

**Fleury, Claude**

**August. Vind. [u.a.], 1771**

**VD18 90118588**

§. 6. Franciæ Delphinus Mariæ Stuartæ Scotiæ Reginæ desponsatus.

---

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

brabatur, interfuit, Deoque gratias de  
 Caleto feliciter capto egit: Verum prius-  
 quam Henricus eo contenderet, pro  
 tribunali sedebat, ubi pleraque edicta, ac  
 constitutiones, quæ ad civilem admi-  
 nistrationem pertinebant, & jam abo-  
 leverant, renovatæ, ac denuo promul-  
 gatæ sunt: inde autem Caletum paucis  
 post diebus profectus est, ubi examina-  
 to loci situ ex Belliducum suorum con-  
 silio urbem munire statuit, ac ipsemet  
 unacum Delphino, qui eum comitaba-  
 tur, triumphantium more civitatem in-  
 gressus est, Pauloque Thermo illius  
 gubernationem commisit: ipse vero di-  
 missa exercitus sui parte reliquam ad  
 hyberna deduci iussit. Postea Niver-  
 nius Dux in Campaniam reversus præ-  
 fidiariorum Præfectis, ut suas legiones  
 paratas haberent, præcipit, ac ipse in-  
 eunte Mense Februario Ivodium venit,  
 ubi Senatu habito Herbemontium ca-  
 stellum in Arduenna Sylva situm obsi-  
 dere decernebat, quod etiam postea  
 captum est.

## §. VI.

*Franciæ Delphinus Marice Stuartæ  
 Scotiæ Reginæ desponsatus.*

Postquam Rex victor redierat, unice  
 curas eo intendit, ut inter Delphi-  
 num Filium suum, & Mariam Stuartam

Sæcul, XVI.  
 A.C. 1558.

*Thuan. hist.*  
*l. 20. n. 6.*  
*Belc. l. 28.*  
*n. 10.*

A 5 Scoto-



Sec. XVI  
A.C. 1558.

*Burnet hist.  
de la Ref.  
l. 2. tom. 2.  
p. 528.*

Scotorum Reginam, & Jacobi V, ac Mariæ Guisiorum Principum sororis filiam matrimonium conciliaret, nec irrito sane successu; quippe die vigesima quarta Aprilis nuptiæ cum ingenti pompa fuere celebratæ, eademque die Guisius Dux, ut magni palatii Magistri officio, quod Connestabilis Momorantius captivus obtinebat, fungeretur, a Rege impetravit.

Peractis nuptiis Glascuensis Archiepiscopus Scotiæ Primas, ceterique hujus Regni Legati in concilium vocabantur, ubi Bertrandus Scotiæ Procancellarius paucis verbis, quanta utilitas ex hoc connubio in Franciam æque, ac Scotiam redundaret, exponebat, moxque Legatos his verbis alloquebatur: omnino decentiæ leges petunt, ut Delphino corona, ceteraque Regni insignia tradantur, simulque Reginæ Maritus Scotorum Rex proclametur: cum autem Legati nihil sibi de iis rebus injunctum respondissent, rursus ille inquit: „non „aliud inpræsentiarum a vobis peto, „quam id, quod in vestro positum est arbitrio, ut scilicet, cum hac de re in publico Concilio disceptabitur, honorem, „qui juste petitur, suffragiis vestris comprobetis, idque vos facturos chirographo vestro confirmetis.„ Ad ea rursus responderunt legati; quod id sibi per  
lega-



legationis intra præscriptas metas contractæ leges non liceret. Percepto Legatorum responso, ac repulsa dimittebantur, qui quantumvis ad suos redire festinarent, antequam e Galliis pedem efferrent, quatuor ex suis morte sublato amifere, iique erant Orcadensis Episcopus, Cassiliffæ, & Angusæ comites, ac Flaminius familiæ suæ Princeps, omnes summa virtute, & in patriam charitate insignes. Insuper mortui sunt plerique eorum comites non sine suspitione veneni, uti jactabatur, propinati.

## §. VII.

*Titulus Regis Delphino a Scotis concessus.*

Post hæc ceteri Legati, Glascuensis Archiepiscopus, Bathonæ Comes, ac duo alii, cum in Scotiam reversi essent, Ordinum comitia ingressi facile obtinebant, ut ab eis gesta rata haberentur: Cum autem Galliarum Rex Delphino Regis titulum attribui peteret, Franciæ Orator æque, ac Regni Administratrix hanc rem tam potenter urgebant, ut nonnullis etiam vehementissime obstantibus Gallicæ partis fautores, quorum major erat numerus, impetrarent, ut corona Delphino decerneretur. Re decisa quidam, qui eam ad Delphinum deferrent, feligebantur, iique erant  
Gile-

Sæcul. XVI.  
A.C. 1558.

Thuan. l. 20.  
n. 609.